



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

օգոստոսի 2021 թվականի N°Ա  
քաղ. Երևան

**ԵՐԵՎԱՆ ՔԱՂԱՔԻ ՄՈԼԴՈՎԱԿԱՆ 43/4 ՀԱՍՑԵԻ ԲԱԶՄԱԲՆԱԿԱՐԱՆ  
ՇԵՆՔԻ ՍՊԱՌՄԱՆ ՀԱՄԱԿԱՐԳՆ ԷԼԵԿՏՐՈՎԱԿԱՆ ՑԱՆՑԻՆ ՄԻԱՑՆԵԼՈՒ  
ՄԱՍԻՆ**

Հաշվի առնելով՝

ա) «Հայաստանի էլեկտրական ցանցեր» փակ բաժնետիրական ընկերության (այսուհետ՝ Ընկերություն) 2021 թվականի հուլիսի 2-ի N°Ե-319-21 գրությունը, որով Ընկերությունը, ելնելով Երևան քաղաքի Մոլդովական 43/4 հասցեի բազմաբնակարան շենքի (այսուհետ՝ Շենք) կառուցապատողի բացակայության փաստից, խնդրել է թույլատրել Շենքի սպառման համակարգն էլեկտրական ցանցին միացնել Շենքի բնակիչների կողմից լիազորված անձ Կարեն Պետրոսյանի (այսուհետ՝ Լիազորված անձ) դիմումի հիման վրա՝ վերջինիս հետ կնքելով սպառման համակարգն էլեկտրական ցանցին միացման և էլեկտրական էներգիայի մատակարարման պայմանագիր,

բ) Ընկերության 2021 թվականի օգոստոսի 5-ի N°Ե-398-21 և Լիազորված անձի 2021 թվականի օգոստոսի 6-ի գրությունները, որոնց համաձայն՝ վերջիններս չեն առարկում Շենքի սպառման համակարգի միացումն էլեկտրական ցանցին սույն որոշմամբ սահմանված ընթացակարգով իրականացնելուն,

և հիմք ընդունելով Հայաստանի Հանրապետության հանրային ծառայությունները կարգավորող հանձնաժողովի 2006 թվականի դեկտեմբերի 27-ի N°358Ն որոշմամբ հաստատված՝ էլեկտրական էներգիայի մատակարարման և օգտագործման կանոնների (այսուհետ՝ Կանոններ) 13.8 կետը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Սահմանել, որ՝

- 1) Շենքի սպառման համակարգն էլեկտրական ցանցին միացնելու նպատակով Կանոնների 13.2 կետով սահմանված դիմում ներկայացնում, էլեկտրական ցանցին միացման պայմանագիր Ընկերության հետ կնքում, միացման վճար վճարում և վճարումը հավաստող փաստաթղթերն Ընկերություն ներկայացնում է Լիազորված անձը.
  - 2) Շենքի սպառման համակարգն էլեկտրական ցանցին միացնելու վճարը հաշվարկվում է՝ համաձայն Հայաստանի Հանրապետության հանրային ծառայությունները կարգավորող հանձնաժողովի 2007 թվականի դեկտեմբերի 21-ի «Նոր սպառողի կամ սպառողի վերակառուցվող սպառման համակարգը էլեկտրական ցանցին միացման վճարները հաստատելու մասին» N°659Ն որոշման.
  - 3) սույն կետի 2-րդ ենթակետում նշված միացման վճարի վճարման օրվանից մինչև Շենքը փաստացի էլեկտրամատակարարմամբ ապահովելու առավելագույն ժամկետը չի կարող գերազանցել 290 օրը.
  - 4) չի թույլատրվում էլեկտրական ցանցին միացման դիմում ներկայացրած անձից պահանջել կատարելու վճարումներ, տրամադրելու հատուցում, ներկայացնելու տեղեկատվություն և փաստաթղթեր կամ նրան ծանրաբեռնել պարտավորություններով, եթե դրանք սահմանված չեն Կանոններով, այլ նորմատիվ իրավական ակտերով, սույն որոշմամբ կամ պայմանագրով:
2. Սույն որոշումն ուժի մեջ է մտնում Լիազորված անձին և Ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

**Գ. ԲԱՂՐԱՄՅԱՆ**